

太乙濟度錫福寶懺

太乙濟度錫福寶懺

太乙濟度錫福寶懺

啓懺讚

青玄寶笈

救苦真詮

尋聲赴感

遍三千甘露法無邊

洗滌前愆

皈命玉清前

大聖太乙救苦大天尊三稱

天尊垂懺法普度衆陽冥

塵世消災戾幽關自苦刑

誓願無邊際尋聲不暫停

臣今稽首禮存歿悉沾恩

伏以

太乙傳經。萬法昭垂於往昔。玉清
演教。一誠感格於希微。臣等以今
焚香。奏啓供養。
玉清聖境元始天尊
上清真境靈寶天尊
太清仙境道德天尊
金闕至尊玉皇上帝
南極勾陳天皇帝
瑤天星主紫微大帝

承天效法土皇大帝
太乙救苦九陽上帝
九天神霄光明大帝
斗父周御國王天尊
斗姥^母摩利支^其天大帝
三元三品三官大帝
北極佑聖仁威上帝
九天開化文昌帝君
三界伏魔關聖帝君
靈寶五師真君

十方三界高真 恭望

道慈。洞垂昭鑒。臣聞

東極宮中。太乙救苦天尊。昔在開
皇之劫。應化分身。居洞靈上館之
中。太霄景戶之內。與五方五老上
帝。十方救苦天尊。飛天度世。無
量大神。青玄左府。一切真仙。放
百億瑞光。照燭法界。見有塵世衆
生。造諸惡孽。地獄亡魂。受諸苦
惱。卒然長歎。時有大惠真人。出

班長跪。上白。
天尊言。天尊高居長樂。清淨無爲。
。何由興歎。
天尊言。吾曩者發宏誓願。普救衆
生。演說靈寶救苦妙經。教傳於世
。時多敬誦。洗濯昨其心。是以人不
罹災。魂不受苦。天神欣慶。人鬼
懽愉。由來生民日衆。世俗澆浮。
禮義不知。經文何有。縱意妄行。
違情背理。或不敬天地。不考父母。

。不忠君王。不義朋友。三綱自棄。
。五倫不修。欺壓善良。逼勒貧懦。
。種種愆尤。自得種種應報。
太上云。禍福無門。惟人自召。善
惡之報。如影隨形。洵非虛語。及
夫沉溺幽扃。冥司執法。生前過惡
。聲罪莫逃。展轉輪迴。出離無日
。覩此情形。其有不興歎者乎。於
是大惠真人。愀然改色。惻然動容
。重白

天尊言。臣忝列清班。得侍左右。
仰見天尊。愍敬念羣生。所有真經。流傳
以來。一切含生。咸得超度。迄今
陽九適厄。百六爲災。上天好生。
無間厥始。倘有一念自悛宣。投誠痛
悔。所嬰罪孽。當亦造化之所宥。
惟願天尊。曲垂寬大。示以懺法。庶幾
萬靈回首。苦海一空。實大慈悲之

所造也。且臣伏念。經文止未來之
過。懺法救已往之愆。有經則宗教
可以下傳。有懺則愚衷咸堪上達。
以懺輔經。既宏普度之心。兼牖冥
頑之覺。臣俯察店阡危。同深惻隱。
敢請懺法。亦可傳於下世乎。於是
天尊撫几高矚竹。凝真遐想。揣喘時度
會。推陰測陽。運黃庭。啓元覽。
拈指靜默。良久無言。大惠真人。
復申前啓。

天尊乃垂目微盼。慨然歎曰。微乎
旨哉。以爾所請。豈不善乎。惟經
行既久。習以爲常。思誠之心。遠
而復昧。雖有至言。難期覺悟。譬
夫操舟下石。乘馬負鐵。曷其有濟
。蓋懺法原以輔經教之所未及。若
能敬禮。自然拔諸苦惱。洗滌塵根
。所謂地府天堂。咸臻福利。吾豈
有所惜而不傳者乎。但今懺旨方成
。當演諸上館。且俟其機。方昭玄

教。大惠真人。不勝欣喜。讚偈而退。

青玄妙典法無邊
爲教衆生懺罪愆
一念在茲祈帝澤
幽明共慶沐玄玄
衆等虔誠。先皈三寶。

志心朝禮

太上無極大道
三十六部尊經

玄中大法尊師

臣等謹運真香。虔誠上啓。

太乙慈尊青玄九陽上帝

十方應化天尊

青玄侍衛真仙恭望

聖慈。鑒今讚詠。臣等伏聞。大道

無名。一詞莫讚。至仁及物。三界

同尊。覆載既等於乾坤。照臨自同

乎日月。欣瞻瑞相。如傳悲憫之聲

。託想青華。似沐陽和之澤。應十

方而化號。歷億劫以度人。愷惻爲
群生之父。慈祥實靈寶之尊。心可
皈依。口難罄述。爰按經而捃_苗摭_後一
二。每應念而神變萬千。名非常名
。道非常道。凡屬有知。同聲讚頌

志心朝禮——以下每句加
太乙救苦天尊青玄九陽上帝

玉清應化氣協陽和
天雷主宰神應無方

百億瑞光
萬靈敬仰
紫金瑞相
妙道端凝
浩劫度人
無量救苦
七寶騫林
九光蓮座
三才共理
一氣分真
仁風廣布
至道無偏
神妙希有
清淨無爲
甘露法門
慈悲第一
具大神通
門開衆妙
巍巍獨立
蕩蕩難名

光明三界 澤及九幽
誓願宏深 隨機赴感
真經濟世 玉籙宣恩
存歿均沾 天神仰賴
志心皈命 禮
青華長樂界。東極妙嚴宮。七寶芳
騫林。九色蓮花座。萬真環拱內。
百億瑞光中。玉清靈寶尊。應化玄
元始。浩劫垂慈濟。大千甘露門。
妙道真身。紫金瑞相。隨機赴感。

誓願無邊。大悲大願。大聖大慈。
十方化號。普度衆生。億億劫中。
度人無量。尋聲赴感。太乙救苦天
尊。青玄九陽上帝。

臣等再運真香。虔誠上啓。

太乙慈尊青玄九陽上帝
十方應化天尊

青玄侍衛真仙。臣等伏聞。青華聖
境。本無聲無色之天。東極仙宮。
有大慈大悲之父。青猊危吐燄。化朶

朶之祥雲。騫樹垂條。灑灑之甘露。徧十方而救苦。緣萬古以推恩。廣開懺悔之門。暢洽玄元之造。有生成咸賴。率土同沾。苟運念以抒誠。悉尋聲而赴感。今有情意。恭對敷宣。（入意）其諸情悃。已具申聞。以今謹涓吉旦。淨潔華壇。酌水饋花。恭迓法駕。切念臣等。自從胚胎。爰成軀體。視聽食息。既辜罔極之恩。

淫殺貪痴。莫贖畢生之罪。以至福
消致罪。罪極生災。或_遠迍_煎偃蹇_展終
其身。或疾病飢寒促其算。或力兵
水火逢其劫。或牢獄繫鎖伏辜。間
有陽報未及。陰遣隨之。地獄輪迴
。古今不爽。茲蒙聖恩。宏開懺法
俾臣等明了孽根。廣增福慧。既沐
覆_阜護之深。敢怠仰瞻之敬。更思
三寶同仁。諸天共善。理宜朝謁。
並乞

天恩。臣等虔恭。志心朝禮。

志心朝禮

玉清元始天尊

上清靈寶天尊

太清道德天尊

昊天玉皇上帝

勾陳天皇帝

星主紫微大帝

后土皇靈地祇

太乙救苦天尊

南極長生大帝
天地人皇上帝
雷聲普化天尊
斗姥支天大帝
五方五老上帝
九天生神大帝
東華木公道君
西漢金母元君
三元三官大帝
北極四聖真君

靈寶五師真君

太極仙翁真君

青玄左府真仙

慈悲諸大真人

虛空過往神祇

上界一切高真

臣等謹運真香。虔誠上啓。

太乙慈尊青玄九陽上帝

十方應化天尊

青玄侍衛真仙臣等伏聞。一元之內

。運有盈虛。四季之中。功殊生殺
。天地有否傾。日月有薄蝕。矧列
人倫。不無災咎。惟積善積惡之攸
分。乃餘慶餘殃之異報。盡心知性
。未持玉律之篇。速禍召凶。難逭
金科之例。果報本來不爽。天心尚
有可回。祛氛弭罪。當懺法以宣敷
。格聖通真。猶帝心之簡在。自今
以往。毋犯前愆。向後而來。不忘
時省。今則叩

慈尊而宥罪。敢不抒忱。望星府以
除災。當嚴敬禮。

志心朝禮

三清三境天尊

太乙救苦天尊

玄都萬壽天尊

太平護國天尊

興大福力天尊

洪恩誕布天尊

長生保命天尊

度人無量天尊
三元滅罪天尊
七元覆護天尊
八卦護身天尊
九宮捍厄天尊
東華上相天尊
南丹紀壽天尊
還功報德天尊
托化受生天尊
日宮太陽帝君

月府太陰皇君
五方五德星君
四炁四曜星君
南斗延壽星君
北斗降厄星君
東西中斗星君
天罡大聖星君
三台華蓋星君
二十八宿星君
十二宮辰星君

六十甲子星君
當生本命星君
周天河漢星君
靈華太歲星君
歲后太陰皇君
值年太歲尊神
值季太歲尊神
青龍白虎神君
朱雀元武神君
勾陳桓螣蛇神君

黃旛豹尾神君
紫微龍德星君
陌越將星星君
三方四正神君
九宮八卦神君
五方五土神君
八座八煞神君
將軍力士神君
奏書博士神君
祠山昌福神君

土主伍公之神
府主城隍之神
當坊里社正神
家堂香火聖衆
門丞井竈六神
虛空過往真宰
助道護法神祇
名山洞府真仙
中界一切真靈
臣等謹運真香。
再拜上啓。

太乙慈尊青玄九陽上帝
十方應化天尊
青玄侍衛真仙。臣等伏聞。原始知
生。反終知死。生死雖判若兩途。鮮
陰陽仍不殊一理。惟魂氣本天。鮮
合受中之義。魄形歸地。必增冥報
之愆。向荷
慈尊。作是憐憫。頒行簡勅。宏開
拯拔之門。著有朝儀。大啓超生之
路。普降惠光。廣覃謀亡爽。除十獄

之黑籍。註九府之丹書。幽魂上升
乎天堂。滯魄不留於地府。祥和之
氣。遍滿黃墟。精爽之靈。俱歸碧
落。積冤餘咎。悉藉懺悔以消除。
遠逝近亡。亦仗冥曹而超度。臣等
虔恭。志心朝禮。

志心朝禮

三清三境天尊

太乙救苦天尊

九幽拔罪天尊

十方救苦天尊
開通冥路天尊
慈悲接引天尊
廣度沉淪天尊
燈光普照天尊
黃華蕩形天尊
玉眸煉質天尊
高證妙果天尊
隨願往生天尊
轉輪聖王天尊

度人無量天尊
元皇赦罪天尊
超離惡趣天尊
解冤釋結天尊
和冤釋對天尊
朱陵度命天尊
仁慈普惠天尊
至道無窮天尊
法橋大度天尊
濟生度死天尊

早諧托化天尊
超凌仙界天尊
逍遙快樂天尊
東嶽天齊聖帝
四嶽四天聖帝
北陰豐都大帝
水府扶桑大帝
泰素妙廣真君
陰德定休真君
洞明普靜真君

玄德五靈真君
最勝耀明真君
寶肅昭成真君
泰山正道真君
無上正度真君
飛魔演慶真君
五化威靈真君
風雷地獄冥官
火翳地獄冥官
金剛地獄冥官

冥冷地獄冥官
鑊湯地獄冥官
銅柱地獄冥官
屠割地獄冥官
火車地獄冥官
普掠地獄冥官
血湖地獄冥官
九幽諸獄冥官
二十四獄冥官
分配四生主者

轉輪五道大神
嶽府定案主者
酆都考較冥官
接引超生使者
往生善道冥官
水府淵泉列聖
下界一切真靈
臣等謹運真香。
虔誠上啓。
太乙慈尊青玄九陽上帝
十方應化天尊

青玄侍衛真仙。臣等伏聞。天生地
成。無物不蒙於化育。日臨月照。
有形皆沐於恩光。人爲物首。敢怠
皈依。道本天先。寧忘敬仰。今則
朝禮高真。已遍周於三界。恭祈帝
澤。遂普及於十方。故復申懺悔禱
之忱。庶盡祝國裕民之道。伏惟
太乙慈尊。位尊首出。仁洽群生。
有感皆通。無文不度。臣等傾心。
再求所願。

願皇圖鞏固。帝曆遐昌。
願四隅效順。百辟忠良。
願雨暘時若。早澇無偏。
願河海安瀾。永無衝決。
願王臣兆庶。壽且康寧。
願彝倫攸叙。家室和平。
願五行順軌。百穀蕃滋。
願時和歲稔。寰宇昇平。
願疲癯殘疾。悉獲安痊。
願吉神呵護。惡曜潛藏。

願境域清寧。人民樂業。
願九玄七祖。俱登道岸。
願宗親師友。咸得超昇。
願神之來格。道氣常存。

（此願如祈福可禮如度亡可簡。）

臣等向來。禮懺已周。仰干結意。
。謹運真香。再拜上啓。

太乙慈尊青玄九陽上帝
十方應化天尊
十方衆聖三界高真

青玄左府諸大真人
左右侍衛一切仙靈恭望
道慈。俯垂洞鑒。臣等伏聞。青玄
運化。秉九氣以司權。木德行仁。
具三陽而開泰。恩光下及於重泉。
惠澤旁通於三界。故能濟世以度生
。自可消災而集福。今弟子等。葵
誠虔切。超薦逝靈。。
惠澤旁施。普資幽爽。茲涓吉旦良
辰。修齋行道。望

帝垂慈。拔度靈爽。往生
仙界。更冀故炁潛消。家門清吉。
災除無妄。福有攸歸。爲上良因。
志心稱念。
太乙救苦天尊。不可思議功德。
志心皈命禮
青華長樂界。東極妙嚴宮。七寶芳
騫林。九色蓮華座。萬真環拱內。
百億瑞光中。玉清靈寶尊。應化玄
元始。浩劫垂慈濟。大千甘露門。

妙道眞身。紫金瑞相。隨機赴感。
誓願無邊。大悲大願。大聖大慈。
十方化號。普度衆生。億億劫中。
度人無量。尋聲赴感。太乙救苦天
尊。青玄九陽上帝。

太乙濟度錫福寶懺全卷終

吊

掛

稽首皈依妙嚴宮

恩覃三界德惠崇

千瓣青蓮環法座

九頭獅子吐焰紅

騫林說法宣妙諦

甘露門開度凡蒙

愛河孽海仙槎泛

十方化號悉皈宗

敬刊

太乙濟度錫福寶懺樂助印刷費善長芳名（恕乏稱呼）

三清寶懺 北帝寶懺善長芳名

吳耀東捐壹仟元正	崔顯輝捐捌佰元正	何燧成捐壹佰元正	何昭成捐壹佰元正	劉成捐壹佰元正	陳沛權捐壹佰元正
何清泉捐陸佰元正	陳成昌捐陸佰元正	何俊賢捐壹佰元正	何美儀捐壹佰元正	李溢順捐壹佰元正	朱鉅銘捐壹佰元正
張榆基捐伍佰元正	熱心善眾伍佰元正	崔湛捐壹佰元正	何國賢捐壹佰元正	陳國平捐壹佰元正	陳艷琼捐壹佰元正
旭照 <small>有限公司</small> 叁佰元正	趙耀捐叁佰元正	李長鳳 <small>家合</small> 壹佰元正	李長珠 <small>家合</small> 壹佰元正	陳國強捐壹佰元正	陳國光捐壹佰元正
清善壇捐叁佰元正	吳秀珍捐叁佰元正	鄭春烈 <small>家合</small> 壹佰元正	張玉華捐壹佰元正	陳國雄捐壹佰元正	蘇月掌捐壹佰元正
慶雲古洞貳佰元正	盧葦生捐貳佰元正	崔泰林捐壹佰元正	崔鎮林捐壹佰元正	林德明捐壹佰元正	岑德龍捐壹佰元正
盧忠興捐貳佰元正	盧忠良捐貳佰元正	陳大口捐壹佰元正	陳嘉明捐壹佰元正	張智強捐壹佰元正	何容捐壹佰元正
盧忠傑捐貳佰元正	盧忠耀捐貳佰元正	陳亞鈞捐壹佰元正	陳盧妹捐壹佰元正	顏章捐壹佰元正	趙昭行 <small>家合</small> 壹佰元正
盧劉桂珍貳佰元正	盧關慈活貳佰元正	陳志明捐壹佰元正	陳忠明捐壹佰元正	甘南捐壹佰元正	湯覺嫦捐壹佰元正
盧徐美蓮貳佰元正	盧張東娣貳佰元正	陳思明捐壹佰元正	陳瑞意捐壹佰元正	洪吳令玉壹佰元正	關惠嫦捐壹佰元正
盧杏蘭捐貳佰元正	王盧坤儀貳佰元正	梁娟霞捐壹佰元正	陳家永捐壹佰元正	謝旺有捐壹佰元正	徐就捐壹佰元正
王英傑捐貳佰元正	王潔瑩捐貳佰元正	楊美梅捐壹佰元正	陳家豪捐壹佰元正	劉石運捐壹佰元正	司徒貞捐壹佰元正
吳堅捐貳佰元正	吳廣雄捐貳佰元正	郭燕女捐壹佰元正	舒妹捐壹佰元正	林寬捐壹佰元正	陳錦崗捐壹佰元正
戴謙捐貳佰元正	李添成捐貳佰元正	袁佩詩捐壹佰元正	袁佩儀捐壹佰元正	李宇天捐壹佰元正	孔煥志捐壹佰元正
王道銘捐貳佰元正	李至容捐貳佰元正	袁佩雯捐壹佰元正	袁佩芬捐壹佰元正	曾宅捐壹佰元正	余淑珠捐壹佰元正
張漢之捐壹佰元正	李威捐壹佰元正	梁慧芳捐壹佰元正	袁康全捐壹佰元正	老蕃蓮捐壹佰元正	何湛峯捐壹佰元正

以上合共捐款港幣壹萬伍仟捌佰元正 由印后土寶懺結餘撥來伍佰陸拾元正 二共合計港幣壹萬陸仟叁百陸拾元正 支付崔顯記太乙濟度錫福寶懺壹仟木印刷費共壹萬柒仟貳佰元正 比對超支壹仟零貳拾元正 該數由雲泉仙館支付

本館為紀念成立五十週年特重刊

太乙濟度錫福寶懺壹仟卷列爲甲戌年金禧館慶活動
事項之一以示慶祝不忘傳經宣道之旨

香港雲泉仙館值理會謹誌

送經處：(一)香港大道西335-338號廿二樓雲泉仙館有限公司

電話：五一四七二五六九 五一四零九九七七

歡迎翻印 功德無量
流通傳誦 福有攸歸

(二)新界粉嶺坪輦路大埔田村 雲泉仙館道教圖書室

(非賣品)

電話：零一九四二一九四 零一九四五一二八

道曆四六九一年歲次甲戌仲秋

香港雲泉仙館藏版